



UNIVERSITÄTS-
BIBLIOTHEK
PADERBORN

**Praxis Beneficiorvm D. Petri Rebvffi Montispessvlani
Ivrvvm Doct. Ac Comitiss, Ivrisqve Pontificii Ordinarii
Professoris Paris. & ibidem in supremo Senatu Causarum
Patroni**

Rebuffi, Pierre

Coloniae, 1610

III. Decisio Rotæ Paderbornen. Præposituræ.

[urn:nbn:de:hbz:466:1-63686](https://nbn-resolving.org/urn:nbn:de:hbz:466:1-63686)

quia collatio Papæ non fuisset facta infra
trimestre, & Concordata intrarent.

Horatius Mandosius Aduocatus.

NOTABILE II.

Colonien. *Canonicatus Lunæ* 17. A-
pril. 1589. In supremo iudicio Ro-
tæ Romanæ.

Domini dixerunt dandum esse man-
datum de immittendo Henrico, iusti-
ficata per eum gratia Apostolica. Ha-
bent enim literæ Apostolicæ executionem
paratam, sicut remedium legis *fi. C. de eden.*
Bald. in l. 2. num. 65. C. de seru. & aque. Abb. in
c. pastoralis. num. 14. in fin. de caus. possess. & pro-
pri. Et est decisio Mol. 206. quam Rota passim
sequitur.

Nec Melchior prætendens habere titu-
lum à Capitulo, ordinario collatore, dici-
tur legitimus contradictor, ut iudicio or-
dinario agendum sit, *iuxta tradita per Doct.*
in d. l. fin. Quia cum agatur de beneficio re-
seruato ratione mensis, iuxta Concordata
Germaniæ, titulus habitus ab Ordina-
rio non dicitur similis ad hunc effectum,
per ea, quæ considerata fuerunt diebus
præteritis in causa Burgen. coram R. P. D.
Gypso. Vnde cessat obiectum, quod fieri
potest ex Mol. & aliis deductis in causa
Lucan. 7. Iunii 1585. coram R. P. D. Orano
Et potest procedi executiue.

3 Gratia verò Henrici quoad vacationem
in mense Maii Anno 1582. verificatur ex
confessione Capituli, cuius nomine causa
agitur, in positionibus datis in partibus.
Agid. decis. 68. Romanus consil. 91. in fine.

Quod Papa prouiderit intra tres men-
ses iuxta Concordata patet ex Data, sub
die Iunii eiusdem anni.

Nec officit, quod talis prouisio intra
tres menses à die vacationis non innotue-
rit in partibus: quia hoc non fuit necesse,
stante declaratione Rotæ, coram Fabio
Accoramb. 13. Febru. 1559. in decis. diuer. 126.
quam scilicet, rec. Gregor. XIII. approbavit

in Constit. edita ad tollendam ambiguita-
tem quæ inerat verbis Concordatorum,
in vers. Quoties &c.

Et quamuis idem Gregorius ad excita-
dam diligentiam prouisorum velit, signi-
ficationem obtentæ prouisionis intra tres
menses fieri debere, non tamen annullat
prouisionem, si hoc omisum fuerit, sed ir-
ritas declarat quascumque prouisiones Col-
latorum factas post publicationem gratiæ
Apostolicæ. Quare irrita manet altera
prouisio Capituli ad fauorem Melchioris,
post præsentatam Officiali Colonien.
prouisionem Apostolicam.

De qualitatibus, & habilitate Henrici
fatis constat ex attestatione Executoris,
qui est eiusdem Ordinarius.

De clericatu constat ex literis Illustris-
simi Urbis Vicarii in actis productis.

Superest verificatio valoris: fuit enim
expressus ad 24. sed allegatur hunc valorem
consuetudinarium 24. solere exprimi in
Canonicatibus illarum partium, nec at-
tendi verum valorem, cum non agatur de
Annata, prout ex hac ratione admittitur
similis consuetudo in impetratione benefi-
ciorum in Regno Franciæ. *Rebuff. in practi-*
titu. de forma not. prou. in vers. cuius & ill. & in
Reg. de Vno. gloss. 2. Quia tamen de huius-
modi consuetudine in actis non appa-
ret, desideratur valoris, aut huiusmodi
consuetudinis, opportuna probatio.

NOTABILE III.

Coram R. P. D. M. Bubalo Paderbor-
nen. *Præpositura, 9. Martii, & 30.*
Maii 1588.

DE mandato Sanctissimi Domini nostri
ex ordine ad me transmissio, per Illu-
stris. & Reuerendiss. Dominum me-
um Cardinalem Lancelorum, propositum
dubium in Rota, an Præpositura Ecclesiæ
Paderbornen. esset Sedi Apostol. reserua-
ta. In facto autem præsupponebatur, sine
veri præiudicio, dictam præposituram esse
electiuam, & primam dignitatem post
Pontificalem in dicta Ecclesia. Præsuppo-
nenda.

nebatur etiam quod vacante Ecclesia Paderbornen. Capitulum elegit Dominum Theodoricum Præpositum & Canonicum, in ipsius Ecclesia Paderbornen. Episcopum, qui post electionem & ante obtentam confirmationem à Sede Apostolica, dicta Præposituram purè & liberè in manibus Capituli resignavit, & Capitulum resignationem admittens, elegit in Præpositum D. Melchiorum. Verùm cum prætenderetur Præposituram vacasse ob promotione D. Theodorici, propterea, vel alias, esse Sedi Apostolicæ reservatam, Sanctissimus D. N. de ea providit Domino Gualtero, qui literas expedivit in forma Brevis, directas Auditori Camera: pro executione sue gratiæ: Et quoniam Gualterus fundabat reservationem super reg. 24. quæ annullat omnes resignationes, de quibuscunq; beneficiis factas per promovendos, vel assumendos ad quascunq; prælaturas inter tempus illarum vacationis & promotionis ad illas, fuit magna difficultas apud Dominos, an directa reg. 24. comprehendat Dignitates electivas, super qua tunc non potuit capi resolutio, & nihilominus quatenus etiam comprehenderet Dominum sub die 9. Martii 1588. in prima propositione huius causæ, concluderunt Præposituram, de qua agitur, non esse reservatam: quia cum in CONCORDATIS, exceptis reservationibus in eis expressis, relinquatur libera facultas Ordinariis conferendi, in §. placet. videbatur Dominis reservationem inductam per Reg. 24. non comprehendere beneficia Germaniæ, quorum collatio ad Ordinarium spectat vigore Concordatorum. Cum enim Concordata continent contractum inter Sedem Apostolicam, & Nationem Germaniæ, non censetur Papa, per Regulas Cancellariæ, voluisse inducere novas reservationes, in præiudicium Concordatorum, nisi de eis expressam & specialem fecerit mentionem. iuxta text. in cap. ex multiplici, de Decret. gloss. in Clem. 2. in verbo pacta. de sepult. Anchar. conf. 29. Et idè reservationes inductæ per Regulas, non comprehendunt

beneficia Germaniæ, ut per Cassad. decis. 1. de pacti. Pur. decis. 46. libr. 1. Crescen. decis. 55. libr. 1. Et ex his dicebant Domini Præposituram, de qua agitur, vacavisse, non per promotionem, sed per resignationem Theodorici, qui potuit ante promotione resignare titulum beneficii, Oldra. conf. 203. nu. 1. per tex. in c. commissi, ubi DD. de elect. in 6. Capel. Thol. decis. 472.

Verùm causa iterum proposita, die 30. Maii 1588. Domini recesserunt à dicta resolutione, & concluderunt præposituram, de qua agitur, esse reservatam Sedi Apostolicæ. Aliqui ex Dominis movebantur, quia Regula 24. propter eius generalitatem, & quia est favorabilis, inducta ad tollendas fraudes, comprehendit etiam beneficia electiva, ex allegatis per Dominum Mandosum: Quod eò magis procedere videtur, quia dicta Regula venit declarativa ad reservationem extrajurantis Ad Regimen: quæ reservatio est præservata in Concordatis. Sed ratio communis Dominorum fuit, quia in CONCORDATIS, in §. de Ceteris: Papa, dum liberè dimittit collationem aliorum beneficiorum Ordinariis inferioribus, ad quos spectat in certis mensibus, & aliis certo modo, & tempore, ultra Reservationes prædictas, reservat etiam omni modo maiores Dignitates post Pontificales in Cathedralibus, & principales in Collegiatis, ex qua reservatione duo resultant: Primò quod Regula 24. comprehendit etiam has primas Dignitates, quas Papa sibi reservat, & sic comprehenduntur sub Regulis.

Secundò, quod in omnem eventum, cum Præpositura sit prima Dignitas, vigore Concordatorum est reservata Sedi Apostolicæ, quod procedit, etiam si sit electiva, quia cum supra in Concordatis fuerit facta mentio de beneficiis electivis, & postea subiiciatur, De ceteris vero &c. intelligendum est etiam de electivis, quia exceptio debet esse de Regula. gloss. in rub. de Reg. iur. in 6. Bar. in l. si cum ff. si quis causam. Et accedit quia adest dictio Verò quæ est aduersativa, & inducit repetitione omnium

qualitatum expressarum in præcedenti dispositione. Baldus in l. omnes populi. nu. 21. de iust. & iur. Alexan. in l. si filius a patre. nu. 6. de li. & posthu. Ruyus Conf. in num. 6. lib. 3. Socin. Iur. Conf. 83. nu. 10. lib. 1. Cum igitur de reservatione in ipsis Concordatis versamur in casu claro, quod capitulum non potuit disponere de hac Præpositura, vti Sedi Apostolicæ reservata, proinde ita Domini concluderunt.

NOTABILE IIII.

Regula Cancellaria Apostolica per quam reservantur beneficia Promotorum, &c.

Quoniam infra scripta decisio fundatur in Regula, quæ sub GREGORIO XIII ponebatur sub nu. 24. In Regulis autem CLEMENTIS VIII. sub num. 25. idè eius tenorem subiicere visum est.

De beneficiis vacaturis per promotionem ad Ecclesias, & Monasteria.

- 25 Item prædictus D. N. Papa voluit, decrevit, & ordinavit, quod quæcunq; concessiones, gratiæ, & mandata, etiam Motu proprio, & cum derogatione huius constitutionis, quæ ab eo, pro quibusvis personis emanaverint, de providendo eis, de quibusvis beneficiis vacaturis per promotionem quorumcunq; ad Ecclesias, & Monasteriorum regimina, si huiusmodi concessiones, & mandata diem promotionis promovendorum ipsorum præcesserint: nec non quæcunq; collationes, provisiones, & dispositiones, pro tempore faciendæ de præmissis, ac quibusvis aliis beneficiis ecclesiasticis sæcularibus, & regularibus
- 1 rint: nec non quæcunq; collationes, provisiones, & dispositiones, pro tempore faciendæ de præmissis, ac quibusvis aliis beneficiis ecclesiasticis sæcularibus, & regularibus
 - 2 quæ per promovendos, vel assumendos ad quascunq; Prælaturas inter illarum vacationis, & huiusmodi promotionis, vel assumptionis tempora, simpliciter, vel ex causa permutationis, vbi cunq; resignari, vel alias dimitti contigerit, cum inde secutis

pro tempore, sint cassæ, & irritæ, nulliusq; roboris, vel momenti.

NOTABILE V.

De impediendis executionem literarum Apostolicarum, illorumq; panis.

Summarium Constitutionis Clementis VII.

CLEMENS Episcopus, &c. Romanus Pontifex &c. Cum autem nobis summe cordi sit, conatibus istorum, qui executionem literarum, & mandatorum Apostolicorum sic impediunt, omnibus, quibus cum Deo possumus, modis, viis, & mediis obviare, quamvis enim de præsentibus sint alia turbulentissima, & deploranda tempora. &c. tamè his temerariis presumptionibus duximus necessario obviandum. Nos igitur, qui sumus, &c. vnicus sponsus Ecclesiæ, &c. & non debemus nostram, & ipsius sponsæ nostræ Iustitiam negligere, qui alios in sua iustitia confouemus, induciti, eisdem rationibus, &c. motu proprio, &c. Singulas Bonifacii, Martini, & Leonis, &c. literas, & omnia in eis contenta, &c. approbamus innouamus, ac perpetuo observari debere decernimus: Nec nõ quascunq; constitutiones provinciales, & Synodales, de non exequendo literas Apostolicas sine placito Ordinariorum locorũ, & nisi ipsæ literæ sint prius per eosdẽ Ordinarios, seu eorum officiales, aut sigilliferos, vel Comissarios vise, & admisse, in supra dictis, & quibusvis aliis Ecclesiis, ac civitatibus, diecesibus, & provinciis, per totum orbem terrarum constitutis, vt præfertur editas, & factas, ac quomodolibet, etiam sub colore obviandi falsitatibus, & fraudibus innovatas, motu, scientia, autoritate, & potestatis plenitudine prædictis cassamus, & annullamus, ac ex quibuscunq; libris, vbi descriptæ reperiuntur penitus cassari, & deleri, sub dictis penis, mandamus: Nec non de nouo statuimus, & ordinamus, quod